

卷五

嘉  
陶

明太醫院正文會稽庠生元臺子馬蔣仲化註證

通評虛實論第二十八

評論也內論病有虛實之義故名篇

黃帝問曰何謂虛實岐伯對曰邪氣盛則實精氣奪則虛此先明虛實二字之義也言人非無故而實以邪氣盛則實耳邪氣盛者外感也非無故而虛以正氣奪則虛耳正氣虛者內傷也

帝曰虛實何如岐伯曰氣虛者肺虛也氣逆者足寒也非其時則生當其時則死餘藏皆如此

此舉肺虛一藏其生死必隨乎時而可以例諸藏也肺

主氣氣虛者肺虛也氣逆者氣上行而逆則在下之足以無氣而寒故此肺虛而非相尅之時則生如春秋冬是也如遇相尅之時則死如夏時之火是也餘藏虛者其生死亦如此而已夫帝問虛實而伯先以虛爲對未及於實也

帝曰何謂重實岐伯曰所謂重實者言大熱病氣熱脉滿

是謂重實

重平聲後同

此言病有重實之義也大熱爲病邪氣甚熱

以後文寒氣暴上脉

滿而實照之則此氣熱者其脉甚滿是實而又實謂之邪氣熱也非人之中氣也

重實也

帝曰經絡俱實何如何以治之岐伯曰經絡皆實是寸脉  
急而尺緩也皆當治之故曰滑則從澹則逆也夫虛實者  
皆從其物類始故五藏骨肉滑利可以長久也帝曰絡氣  
不足經氣有餘何如岐伯曰絡氣不足經氣有餘者脉口  
熱而尺寒也秋冬爲逆春夏爲從治主病者帝曰經虛絡  
滿何如岐伯曰經虛絡滿者尺熱滿脉口寒澹也此春夏  
死秋冬生也帝曰治此者柰何曰絡滿經虛灸陰刺陽經  
滿絡虛刺陰灸

此節卽經絡俱實絡虛經實經虛絡實者而擬其脉體  
決其死生分其治法也經者十二經也絡者十五絡也

虛者即前精氣奪則虛也實者即前邪氣盛則實也經  
 為陽絡為陰故經中亦有屬陰者而以絡並之則經皆  
 為陽絡中亦有屬陽者而以經並之則絡皆為陰寸部  
 為陽尺部為陰急脈為陽緩脈為陰滑脈為陽濇脈為  
 陰脈熱為陽脈寒為陰今寸部急而見陽是經實也尺  
 脈緩而見陰是絡亦實也所謂經絡俱實也必其急緩  
 之脈帶滑則為順而生帶濇則為逆而死何也大凡物  
 類皆有虛實必滑澤則生枯濇則死非特脈為然也故  
 五藏骨肉滑利所以其脈亦滑可以長久而生也若五  
 藏濇滯則其脈亦濇必不能長久而死矣何以異於物

類也。其有絡氣不足，經氣有餘，是絡虛經滿也。惟經氣有餘，故脈口熱。惟絡氣不足，故尺部寒。春夏屬陽，合經與寸；秋冬屬陰，合絡與尺。惟脈口熱而尺部寒，故時逢秋冬則陰氣盛而脈口不宜熱，熱爲逆而死時逢春夏則陽氣高而脈口宜熱，尺中宜脈皆爲順而生。卽主病者而治之，何經有餘則寫之，何絡不易則補之。其有經氣不足，絡氣有餘者，卽經虛絡滿也。滿者實也，唯絡脈滿，故尺部亦熱滿。惟經脈虛，故脈口亦寒。濇春夏應經與寸，所以寒濇則死；秋冬應絡與尺，所以熱滿而生。不言治主病者，卽上文可以例推也。治主病者，何如絡

為陰今滿則灸之虛則刺之經為陽今滿則灸之虛則刺之由此觀之則大抵灸主於寫而刺則可補也

帝曰何謂重虛岐伯曰脈氣上虛尺虛是謂重虛帝曰何以治之岐伯曰虛謂氣虛者言無常也尺虛者行步愜然

脈虛者不象陰也如此者滑則生濇則死也按甲乙經作脈虛脈之下

缺一虛字氣虛氣之下多一上字尺虛三者並虛為當故下文以氣虛尺虛脈虛為答詳上文重實以氣熱脈滿為重實此節脈虛氣虛尺虛為重虛者甚有理不但尺寸俱虛為重虛也王氏似未當選以甲乙經為的

此言病有重虛之義也脈虛氣虛尺虛謂之重虛氣虛者真氣不足也故脈動無常尺虛者腎氣不足也故行步愜然脈虛者手太陰寸口所見之脈按之不應手也

如此三虛是謂重虛。若帶滑利則生，否則澹滯而死矣。  
帝曰：寒氣暴上，脈滿而實，何如？岐伯曰：實而滑則生，實而逆則死。

此言氣寒而脈實者，亦以滑爲生，而澹爲死也。帝言上文氣熱，脈滿已謂重實，必滑則從，澹則逆。今者寒氣暴上，脈亦盛滿，與氣熱脈滿者異。其於滑澹逆從，生死何如？伯言不問寒熱，止論滑澹。雖因寒而實，必其脈滑而爲瀕則生，脈澹而爲逆則死也。

帝曰：脈實滿，手足寒，頭熱，何如？岐伯曰：春秋則生，冬夏則死。



此卽脉證雜見陰陽者而以時決其死生也。脉實滿者是陽脉也。頭熱者是陽證也。皆邪氣有餘也。手足又寒是陰證也。乃真氣又虛也。若此者真邪不分陰陽相雜。然春秋者陰陽未盛之時也。正平和之候。故生。冬夏者偏陰偏陽之時也。脉盛頭熱者不能支於夏。手足寒者不能支於冬。故死。

脉浮而濇。濇而身有熱者死。

此言證與脉反者死也。脉浮而濇乃肺脉之應於秋者也。而身有熱則火盛金衰主死。此前後無問答之語。疑

爲錯簡也歟。

帝曰其形盡滿何如岐伯曰其形盡滿者脈急大堅尺澹而不應也如是者從則生逆則死帝曰何謂從則生逆則死岐伯曰所謂從者手足溫也所謂逆者手足寒也

有口字

此言陽病者當得陽脈陽證也身形盡滿乃陽病也氣口之脈急大而堅是陽脈也宜尺部則澹而不相應耳然必手足溫者是陽證也故有是脈有是證則為從而生否則脈雖急大堅而手足反寒是謂逆而死也

帝曰乳子而病熱脈懸小者何如岐伯曰手足溫則生寒則死帝曰乳子中風熱喘鳴肩息者脈何如岐伯曰喘鳴

肩息者脉實大也。緩則生，急則死。

此言乳子脉與病反者，復有他證可驗病證俱甚者，復有脉體可據而決其死生也。乳子而病熱陽證也，而脉則懸小，是陽證見陰脉也。然手足溫和，正氣猶存，脉雖懸小，特未大耳，故可以得生。否則手足寒而死矣。又乳子中風發熱喘鳴，肩息者，陽證也。脉當實大，惟實大中而緩則邪氣漸退，可以得生。若實大中而急則邪氣愈增，其病當死矣。

帝曰：腸澼便血，何如？岐伯曰：身熱則死，寒則生。帝曰：腸澼下白沫，何如？岐伯曰：脉沉則生，脉浮則死。帝曰：腸澼下膿

血何如岐伯曰脉懸絕則死滑大則生帝曰腸澼之屬身不熱脉不懸絕何如岐伯曰滑大者曰生懸澼者曰死以藏期之

此言腸澼之屬有便血者有下白沫者有下膿血者隨

證隨脉而可以決其死生也腸澼者大小腸有所辟積

而生諸證故腸澼為總名而下三者為諸證也生氣通尺論曰

因而飽食筋脉橫解腸澼為痔所以亦川便血者大便

中下純血也有等俗名腸風下血有糞前來者為近血

火今茲腸澼便是腎肝有火糞後來者為遠血是心肺有血并下血皆是是血為陰而下血為陰證若身熱則火

盛故主死身寒則火衰故主生其下白沫者非膿非血

而白沫下行是肺氣受傷也。然亦陰證之類。故脉沉則

生以陰證宜見陰脉也。若脉浮則死。以陰證見陽脉也。

其下膿血者赤白相兼氣血俱傷。靈樞邪氣藏府病形篇謂之痲泄難經謂

之大滲泄後世曰痢。然脉以懸絕為死。正氣不足也。滑大則生。王

氣有餘也。帝問凡腸澼之屬有身不熱則證不死。脉不

懸絕則脉不死。伯言終當以元氣為主。故脉必滑大則

生。若懸澼則死。其死者以藏期之。所謂肝見庚辛死。心

見壬癸死。肺見丙丁死。腎見戊己死。脾見甲乙死者是

也。按脉訣云下痢微小却為生。脉大浮洪無瘥日今屢治此疾亦有滑大而生沉小而死者其澼之謂邪

當以經言為的也

帝曰癲疾何如岐伯曰脈搏大滑久自己脈小堅急死不

治帝曰癲疾之脈虛實何如岐伯曰虛則可治實則死

此言癲疾之脈得陽脈虛脈而生也癲疾者陽證也故

搏大滑則陽證得陽脈所以病久自己若脈小堅急則

得陰脈故死不治然癲疾之脈當有取于虛也必搏大

滑中帶虛可治若帶實則邪氣有餘乃死候也脈訣云恍惚之

病定癲狂其脈實牢保安吉寸關尺部沉細時如此未

聞人救得正與此大義相合又按長刺節論第十一節

則刺狂癲有法又以靈樞癲狂篇考之則義無餘蘊矣  
帝曰消瘴虛實何如岐伯曰脈實大病久可治脈懸小堅

病久不可治

此言消癰之病得陽脉而生也消癰者熱證也故脉實

大雖病久亦可治若懸小堅又至於病久則益不可治

矣脉要精微論云癰成爲消中靈樞五變論消癰可參看

帝曰形度骨度脉度筋度何以知其度也方盛衰論云診

度肉度筋度俞度又按靈樞有骨度脉度篇名而又有經筋篇名至於形度則無之今帝以爲問而下文無答

語乃他篇之錯簡也

帝曰春亟治經絡夏亟治經俞秋亟治六府冬則閉塞閉

寒者用藥而少鍼石也所謂少鍼石者非癰疽之謂也癰

疽不得頃時回亟音棘塞入声

此言三時治病各有所宜而冬時則用藥而不用鍼也

春時治病治其各經之絡穴夏則治其各經之俞穴秋則治其六府冬則閉塞但用藥而不用鍼石所謂冬時少用鍼石者非謂冬時癰疽亦不用鍼石也彼癰疽不得頃刻挽回若不用鍼石以寫之則內爛筋骨藏府豈得不用鍼石哉特謂他病則冬時不用鍼石耳

癰不知所按之不應手乍來乍已刺手太陰傍三疔與纓脉各二掖癰大熱刺足少陽五刺而熱不止刺手心主三刺手太陰經絡者大骨之會各三暴癰筋纒隨分而痛魄汗不盡胞氣不足治在經俞

疔音賄掖腋同纒軟同

此承上文而言治癰之法有此三等也凡癰疽痛無定



所故按之不應手亦無定時故乍來而乍已當刺手太

陰肺經之傍三痛蓋肺經之穴在胃中者曰雲門今曰

肺經之旁則是足陽明胃經氣戶等穴也刺瘡曰瘡三

痛者三次也刺三次則有刺瘡者三其曰纓脈各二者亦以胃經

之穴如人迎水穴在結喉旁一寸五分則是結纓之所

故曰纓脈各二者左右各二也有等腋下生癰其體大

熱當刺足少陽膽經之穴五痛宜是膽經之淵液穴也

腋下三寸宛宛中舉臂得之鍼二分禁灸若刺之而熱不止當刺手厥陰心

包絡經即手心主之穴三痛宜是天池穴也腋下一寸

鍼二分又刺手太陰肺經之經穴經渠寸口陷中鍼絡

灸二壯又刺手太陰肺經之經穴經渠寸口陷中鍼絡